



TARIKH	RABU, 27 NOVEMBER 2019
AKHBAR	UTUSAN BORNEO
TAJUK ARTIKEL	MALAYSIA PATUT FOKUS NGAGAI TEKNOLOGI KUASA BARU
M/S	15
BIDANG	ENERGY
KATA KUNCI	NUCLEAR MALAYSIA, MARPA

Malaysia patut fokus ngagai teknologi kuasa baru

Menua enda patut bepanggai ba siti kuasa dikena ngeluarka kuasa laban mayuh ke bukai tau nyadi alternatif

KUCHING: Malaysia patut beratika baru polisi kuasa di menua tu lalu fokus ngagai teknologi kuasa baru dikena nyingkang jauh ke mua.

Kepala Menteri Datuk Patinggi Abang Johari Tun Openg madah, menua enda patut bepanggai ba siti kuasa dikena ngeluarka kuasa nyengkaum nuklear laban mayuh jalai pemsant bukai ke nyadi alternatif.

“Nya kebuah kitai di Sarawak, kitai fokus ngagai teknologi kuasa tau dikena baru lebu kitai nyingkang ke mua laban nya nadai bekaul enggau radiasyen enggau ke bukai.”

“Tambah mega nengeri kitai mayuh ai nyengkaum semua tekad hidroelektrik ke alai tiga ari nya ke beroperasyon baka Batang Ai, Bakun enggau Murum lalu ke dudi tu ila iya nya Baleh,” ku iya bejaku lebu bejadika ‘Persidangan dan Bengkel Perlindungan Sinaran 2019’ ti diatur Ejensi Nuklear Ma-

“Nya kebuah kitai di Sarawak, kitai fokus ngagai teknologi kuasa tau dikena baru lebu kitai nyingkang ke mua laban nya nadai bekaul enggau radiasyen enggau ke bukai.”

Datuk Patinggi Abang Johari Tun Openg
Ngaga Memari

laysia enggau Persatuan Perlindungan Sinaran Malaysia (MARPA) ditu kemari.

Ku Abang Johari, Sarawak ngeksport kuasa elekerik ke Kalimantan lalu ba awak ke sama nyukung bekal ke Sabah enggau Brunei.

Ku iya baru, nengah chara nya Sarawak jemah ila deka nyadi pemekal kuasa nengah hidroelektrik ngagai menua luar.

“Tu mih komitmen kami kelebih agi Sarawak enggau Malaysia nyadi nengeri tauka menua ti beresi ari sukut rampa menua,” ku iya nyemetak.

Berebak enggau nya, iya nesau pakar dalam bidang teknologi atom tauka nuklear ti deka diguna amat ngambika ulih meri pengandal ngagai mensia mayuh sentas empas belindung ari panchar kuasa kelebih agi dalam beberapa sektor.

Ku iya, antara tiga sektor ti suah dikaitka enggau radiasyen tauka panchar ari kuasa teknologi nuklear nyengkaum telekomunikasyon, servis enggau kilang.

“Dalam perkara tu, kitai begunaka pakar nuklear nerangka sentang empas ari semua teknologi nuklear



DATAI BEJADI: Abang Johari disempulng Mohd Wahab (kiba) lebu ke ngulu enggau bejadi ‘Bengkel Perlindungan Sinaran 2019’. — Gambar Chinton Lipon

dalam sekeda sektor nya lalu semina pakar ke nemu aja ulih meri perambu tauka nerang sentang empas ari radioaktif ti datai ari nuklear ke dikena,” ku iya.

Tambah Abang Johari, ambika chunto dalam sektor telekomunikasyon, nya tentu bekaul enggau ngaga tauka nirika tiang ba sekeda kan dang endur dikena

ngemanahka komunikasyon nyengkaum di Sarawak.

Taja pia ku iya, laban pengawanya mega begunaka fiber optik enggau ke bukai, tebal agi mensia mayuh irau

ati pasal empas ari nya.

Ku iya nerang, bisi peragam ari mensia mayuh nya deka meri empas ti enda manah ari sukut panchar kuasa ba kandang endur enggau genturung pendiau ke endur nirika tiang tel-ekomunikasyon nya.

“Ketegal nya, kitai amat begunaka bantu kelebih agi ari pakar teknologi nuklear ngambika mantu meri penerang ngagai sida,” ku iya.

Iya meri terima kasih kngagai raban pengatur laban milih Kuching enggau Sarawak alai ngatur aum nya.

Ku iya, nya deka meri mayuh pemadah tauka penerang sentang teknologi nya kelebih agi ngagai mensia mayuh di nengeri tu.

Sama bisi datai Ketuai Direktor Ejensi Nuklear Malaysia, Dr Mohd Wahab Yusof, Ketuai Direktor Kaunsil Meri Lisin Kuasa Atom (AELB) enggau Presi- den MARPA, Dr Zulkifli Mohamad Hashim.

DISEDIAKAN
OLEH

1-NASAAI BIN MASNGUT (N41), BPM
2-RAJA MUSFARIZAL BINTI RAJA MUHAMAD (S19), BPM
UNIT PERKHIDMATAN MAKLUMAT, BPM